

COCOYOCO JAM EXITO Y BUNITA DEBUT

ORANJESTAD(AAN): Esnan cu conoce e Jouvert morning di San Nicolas, a comenta cu nan a haya falta di e bandanan musical ya cu nan no a custumbra di balia riba Disco, sinembargo nan a goza un mundo den e **Cocoyoco Jam** cu tabata e debut estilo Jouvert Morning na Noord Diasabra madruga.

Locual tabata hopi notable sinembargo ta e diferente tipo di pijamanan, baby doll etc cu por a mira riba caya durante e jam aki, dunando e mainta un verdadero ambiente di **Pi-jama Party**.

E varios mil hende cu a presenta riba caya diasabra madruga na Noord a goza un mundo di e evento aki cu tin tur indicacion di lo bay bira un evento tradicional car-



navalesco mirando e exito grandi di su debut.

Esaki ta trece cune sinembargo cu e momento a yega pa

di un manera of otro logra subsidio pa agrupacionnan

musical den carnaval, locual ayera por a nota masha hopi tambe den e parada di mucha na Playa caminda mayoria di musica a bini di Disconan y tabata falta agrupacionnan musical suficiente pa anima e parada.

Pa e **Cocoyoco Jam** sigur subsidio pa algun banda musical lo ta na su lugar pa anima hunto cu e Disconan, e miles di hende cu ta sali madruga pa bay disfruta di un madruga y mainta na nan bailando libremente na nan antoho.

Un pabien mester bay sigur pa e organizadornan na Noord pa e mainta exitoso y bon organiza aki..